

Broj: 05-02/2-1169/23 AAA
Sarajevo, 12.05.2023. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 16-05-2023			
Org. jed.	Broj	Priloga	Vrijednost
0511	-02-	98	123

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
n/r Ivan Miličević, sekretar
n/r Alma Kratina, zastupnica

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
n/r Edita Kalajdžić, sekretar Vlade

Predmet: Zastupničko pitanje, **odgovor dostavlja se**

Veza: Akt Ureda sekretara Zastupničkog doma Parlamenta Federacije Bosne i Hercegovine, broj: 05/1-02-98/23 od 17.03.2023. godine i akt Vlade Federacije Bosne i Hercegovine, broj: 03-04-320-20/23 od 21.03.2023. godine

Poštovani,

U skladu s članom 116. Poslovnika Zastupničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08 i 26/20), dostavljamo odgovore na zastupnička pitanja koje je postavila Adisa Kokić-Hinović, zastupnica u Zastupničkom domu Parlamenta Federacije Bosne i Hercegovine, na 2. redovnoj sjednici Zastupničkog doma Parlamenta Federacije Bosne i Hercegovine, održanoj 15.03.2023. godine, kako slijedi:

Vežano za formiranje Vijeća za djecu Federacije Bosne i Hercegovine po uzoru na isto Vijeće na nivou države, informišemo Vas da je Vlada Federacije Bosne i Hercegovine na 2. redovnoj sjednici održanoj 11.05.2023. godine usvojila Uredbu o osnivanju Vijeća za djecu Federacije Bosne i Hercegovine. Uredbom se Vijeće za djecu Federacije Bosne i Hercegovine osniva kao stalno stručno, interresorno, savjetodavno i koordinirajuće tijelo Vlade Federacije BiH. Djelokrug rada ovog Vijeća podrazumijeva, između ostalog, promoviranje i zaštitu prava djeteta, praćenje primjene Konvencije o pravima djeteta i drugih međunarodnih akata vezanih uz zaštitu i promoviranje prava djeteta, te davanje preporuka i mišljenja tokom predlaganja donošenja zakonskih i podzakonskih propisa u ovoj oblasti.

Nadalje, a vezano za Zakon o roditeljima njegovateljima u Federaciji Bosne i Hercegovine („Službene novine Federacije BiH“, broj: 75/21) informišemo Vas da je provedba istog od samog početka bila popraćena raznim poteškoćama obzirom da su zakonska rješenja predviđena ovim propisom novina u pravnom sistemu u okviru kojeg funkcioniše. Imajući u vidu da se radi o novom propisu, te obzirom da roditelj njegovatelj ima status osiguranog zaposlenika u obaveznom osiguranju u skladu s propisima o obaveznom osiguranju, druge nadležne institucije su morale pristupiti izmjeni svoje legislative kako bi se mogle implementirati odredbe ovog Zakona. Nakon što su prevaziđeni navedeni problemi, Ministarstvo je zaprimilo veliki broj predmeta koje nije bilo moguće riješiti u razumnom roku s postojećim kadrovskim kapacitetima. Svi centri za socijalni rad, odnosno službe socijalne zaštite dostavili su svoje predmete Ministarstvu na reviziju, kojih je u 2022. godini bilo ukupno 1310, dok je u ovoj godini zaprimljeno oko 200 predmeta. Sve navedeno dovelo je do određenog kašnjenja u implemetaciji propisa. Predmeti se obrađuju po hronologiji kako su zaprimani u Ministarstvo i do sada je obrađeno oko 600 predmeta.

Sektor koji je zadužen za implementaciju predmetnog Zakona je tek u februaru 2023. godine kadrovski ojačan za jednog zaposlenika, što je djelimično ubrzalo proces revizije dostavljenih rješenja. Imajući u vidu veliki broj zaprimljenih zahtjeva, Ministarstvo će poduzeti sve aktivnosti kako bi se stvorile pretpostavke za efikasnije rješavanje istih.

S poštovanjem,



Dostavljeno:

- Naslov
- Sektor za socijalnu zaštitu i zaštitu porodice i djece
- a/a